

الله يا كلبك شكتر صبرك تشوف اهلك ضحايا امجزره
مبضعة بلسيوف على الغبره وكل واحد خضيب بمنحره
جثت مرميه بلوعار ليها وحش الصحرا زوار
من تعالينهم ضحايا تشتعل في صدرك النار
تشوف ابو سكنه وسف دامي صريع وحاضن الطفل الرضيع
وسهم لمثلث وسط صدره يفطر كلبك الحال الفجيع
ظل ثلت ايام مرمي ما احد جاله وشاله
جسد مترضض من الخيل وسفه افراشه رماله

وانحى لجثة ابوه ومدمعه ساكب راد يوارى جثته ومنه القلب لاهب
يا وسف كلما رفع جانب هوى جانب
سهم لمثلث يبويه بالكلب صابك وكل عضو منك تبضع الله لمصابك
حيرتني بيش اجمع بويه اوصالك
هذي اچفوفك كطيعه والصدر مكسور آه من خيل الأعداء لَمَّا داسك
والدما تهمل جريه بنحرك المنحور فرگوا ما بين جسمك ويأ راسك
أخذ كطعة باريه أوجمّع أوصاله وغسله بدمع المصيبه ولفه وشاله
والألم في كلبه ما تنوصف أحواله
وانحى له وحطه يا حسره بوسط كبره وسده بجرح الفגיעه وشمه بنحره
انهدت اركانه - بعد عيني- أوجذب حسره
وصاح يابويه الجرى لك مثله ما صاير منهو أیچفونونه مثلك بالبواري
هذا كلبى بالمصيبه والألم صابر والله لگضي بالبجا ليلي ونهاري

ورجع حايير للحراير بالألم منكسر ظهره
للضعينه ومن ونيته دمعتيه بعيونيه جمره
ألم في كلبه يسعر ودمعه دم تحدر ورأسه الى الخدر يديره
صفگ چفه وتحسر وصاح الله اكبر لگيت اجساد بالير عفيره
فزعت النس وان صوبه تسأله بحالسه كسيره
شلون عاينه ست الأحبة
چفنها سافي لتراب وفيها چم بدر غاب ودمها صاير خضاب سألبيه
جثت ظلت بلا روس عفيره بحر لشموس بلا لحد وبلا رموس تريبيه

وليلى الحايه عن الأكبر لفت
تگلله ضنوتى فؤادى ومهجتى
تسائل والدمع جرى وسال
دفنته لو بگی بلرمال؟

رد عليها منظر الأكبر فجعتى
شفته مرمى اعلى الثرى وانهد ركنى
لا تسألينى ترى حاله شعبنى
امبضع بسيف الأعادى وجسمه اوصال

ورمله الصابرة عن الجاسم لفت
بعد عيني الشباب بگی فوگ التراب
تناشد بالألم يسجد
وتعفر يا وسف بلوه سجاد

گلها يارمله ترى الجاسم دفنته
كسر گلبي يا حزينه لما شفته
مخضبه اچفوفه يحسره بدم مَهجته
عافر ودمه يسيل بحر لرمال